



QASHQADARYO VILOYATI SHAHRISABZ TUMANI HOKIMINING Q A R O R I

181302, Shahrisabz shahri, Fusunkor ko'chasi 86-uy, tel/faks: 75-522-02-25

2022 - yil 19 - may

120-4-67-Q/22

Shahrisabz tuman hokimligi

Davlat o'rmon fondi yerlarida yong'in xavfini oldini olish chora-tadbirlari to'g'risida

2022-yilda Davlat o'rmon fondi yerlarida yong'in kelib chiqishi, tabiatga va o'simlik dunyosiga zarar yetkazilishining oldini olish maqsadida, Shahrisabz ixtisoslashtirilgan davlat o'rmon xo'jaligining 2022 yil 07 maydagi 159-sonli xatini inobatga olib, O'zbekiston Respublikasining "O'rmon to'g'risida"gi Qonun (O'zbekiston Respublikasi Oliy Majlisining Axborotnomasi, 1999-yil, 5-son, 122-modda), Muhofaza etiladigan tabiiy hududlar to'g'risidagi qonuni va O'zbekiston Respublikasi Vazirlar Mahkamasining 1999-yil 22-noyabrdagi "Respublika o'rmonlarini himoya qilish bo'yicha ayrim me'yoriy hujjatlarni tasdiqlash to'g'risida"gi 506-son qarori (O'zbekiston Respublikasi Hukumatining qarorlari to'plami, 1999-y 11-son, 68-modda)ga hamda "Mahalliy davlat hokimiyati to'g'risida"gi Qonun (O'zbekiston Respublikasi Oliy Kengashining Axborotnomasi, 1993-y, 9-son, 320-modda)ning 6-moddasiga asoslanib,

Q A R O R Q I L A M A N:

1. 2022-yilning yoz, kuz fasllarida tumandagi davlat o'rmon fondi yerlarida tamaki mahsulotlari chekish, ov qilish hamda gulxan yoqish qat'iyan man qilinsin.

2. Shahrisabz ixtisoslashtirilgan davlat o'rmon xo'jaligida yong'inga qarshi kurash chora-tadbirlari 1-ilovaga, favqulodda holatlarda yong'inni o'chirish rejasi 2-ilovaga muvofiq tasdiqlansin.

3. Shahrisabz ixtisoslashtirilgan davlat o'rmon xo'jaligi (A.Himmatov), Tanxozdaryo, Oqdaryo va Qorasuv o'rmon bo'limlari (A.Mirzayev, A.G'ulomov va J.Soipovlar), "Tudamaydon", "Achchig'i", "Toshbuloq", Xitoy, "Hisor", "Sayyod", "Sarchashma", "Hisorak", "G'elon", "Miraki", "Kul", "Qorasuv" MFY raislari yong'in xavfini oldini olish bo'yicha barcha tadbirlarni o'tkazishga shaxsan ma'sulligi belgilab qo'yilsin.

4. Shahrisabz ixtisoslashtirilgan davlat o'rmon xo'jaligi (A.Himmatov) va tuman Favqulodda vaziyatlar bo'limi boshlig'i (Akram Pulatov), tuman Tibbiyot birlashmasi (Z.Jalolov), "O'ztelekom" AK Shahrisabz tuman filiali (A.Zaynitdinov), Tanxazdaryo, Oqdaryo, va Qorasuv ko'chatchilik o'rmon bo'limlari (A.Mirzayev, A.G'ulomov, va J.Soipovlar), Shahrisabz tumanidagi "Tudamaydon", "Achchig'i", "Toshbuloq", "Xitoy", "Hisor", "Sayyod", "Sarchashma", "Hisorak", "G'elon", "Miraki" va "Kul" MFY raislari birgalikda Shahrisabz ixtisoslashtirilgan Davlat o'rmon xo'jaligi hududlarida yong'in sodir bo'lganda tezda kechiktirmasdan yong'inni o'chirish uchun yetarli odamlarni jalb qilish va ularni asbob-uskunalar va oziq-ovqatlar bilan ta'minlash hamda tez tibbiy yordam ko'rsatish choralarini ko'rish vazifalari topshirilsin.

5. Shahrisabz ixtisoslashtirilgan davlat o'rmon xo'jaligi (A.Himmatov) va Shahrisabz tuman Tabiatni muhofaza qilish inspeksiyasi (X.Qarshiyev), Shahrisabz tumanidagi "Tudamaydon", "Achchig'i",

“Toshbuloq”, “Xitoy”, “Hisor”, “Sayyod”, “Sarchashma”, “Xisorak”, “G‘elon”, “Miraki” va “Kul” MFY raislari o‘rmon xo‘jaligi hududlariga yaqin joyda yashayotgan aholiga o‘rmon xo‘jaligi hududlarida yong‘inni oldini olish bo‘yicha tushuntirish va targ‘ibot ishlarini olib borish hamda o‘rmon to‘g‘risidagi, muhofaza etiladigan tabiiy hududlar to‘g‘risidagi qonunlarni buzgan shaxslarga nisbatan hujjatlarni rasmiylashtirib tegishli organlarga taqdim etish vazifalari topshirilsin.

6. Ushbu qaror ijrosini nazorat qilish tuman hokimining o‘rinbosari A.Qurbonov zimmasiga yuklatilsin.

Shahrisabz tuman hokimi



S.A.Xasanov

Shahrisabz tuman hokimining
2022 yil 19 maydagi
120-4-67-Q/22-son qaroriga
1-ilova

SHAHRISABZ TUMANI HUDUDIDAGI DAVLAT O‘RMON FONDI YERLARIDA YONG‘INGA QARSHI KURASH

TADBIRLARI

1.O‘rmonlarda va o‘rmon bilan qoplangan Davlat o‘rmon fondi hududlarida yong‘in xavfsizligini ta‘minlash uchun shaxsan javobgarlikni his etish, yong‘in bo‘lish ehtimoli kuchli davrda belgilangan yong‘in xavfsizligi tadbirlari va ishlarini bajarish, Davlat o‘rmon fondi hududlarida chiqqan yong‘inni tezkorlik bilan o‘chirish va bu to‘g‘risida tegishli tashkilotlarga zudlik bilan xabar qilish.

Bajaradi : Shahrisabz ixtisoslashtirilgan davlat o‘rmon xo‘jaligi, Fuqarolar yig‘inlari

Muddati : Mavsum davomida

2.O‘t-o‘lan bilan qoplangan yerlarda, qamishzorlarda, o‘rmonzorlar yaqinida shamolli ob-havoda gulxan yoqishni ta‘qiqdash, yonib turgan narsalarni tashlash uchun maxsus joylarni tashkil qilish.

Bajaradi : Shahrisabz ixtisoslashtirilgan davlat o‘rmon xo‘jaligi, Tuman IIB YOXB

Muddati : Mavsum davomida

3. Shahrisabz ixtisoslashtirilgan davlat o‘rmon xo‘jaligi o‘rmon fondi hududlarida yong‘in chiqqan holda, yong‘in chiqqan joyga ko‘ngilli yong‘in o‘chirish bo‘linmalarini, belgilangan yong‘in o‘chirish ishchi kuchlarini o‘z vaqtida yetkazish, texnika va yong‘inga qarshi transport bilan ta‘minlashni to‘g‘ri va aniq tashkil qilish.

Bajaradi: Shahrisabz ixtisoslashtirilgan davlat o‘rmon xo‘jaligi, Fuqarolar yig‘inlari, Tuman IIB YOXB

Muddati : Mavsum davomida

4.Chorva mollari boqiladigan, ov qilinadigan, beda o‘riladigan o‘rmonlarda, bolalar oromgohlarida, dam olish zonalarida va qo‘riqxonada hududidagi ekspeditsiyalarida komplektlangan yong‘in o‘chirish qurollarini bo‘lishini nazorat qilish, Davlat o‘rmon fondi yerlariga yaqin yerlarda va unga olib boruvchi yo‘llar yoqasiga olovdan ehtiyotlik bilan foydalanishga chaqiruvchi yong‘in chiqish xavfidan ogohlantiruvchi belgilarni qo‘yish.

Bajaradi : Shahrisabz ixtisoslashtirilgan davlat o‘rmon xo‘jaligi, Tuman IIB YOXB

Muddati : Mavsum davomida

5.Ommaviy axborot vositalaridan keng foydalangan holda Davlat o'rmon qo'riqchilariga shahar va qishloq aholisi o'rtasida yong'in xavfsizligi qoidalariga rioya qilish mavzularida targ'ibot ishlarini olib borish.

Bajaradi : Shahrisabz ixtisoslashtirilgan davlat o'rmon xo'jaligi, Shahrisabz ro'znomasi muharririyati,

Muddati : Mavsum davomida

6.Davlat o'rmon fondi yerlarida ish olib boruvchi yoki o'rmonlarda ba'zi ob'yektlarga ega bo'lgan hamda o'rmon fondi yerlarini ma'lum muddatlarga ijaraga olgan xo'jaliklar, tashkilotlar, fermer xo'jaliklari va alohida shaxs hamda fuqarolarni mavsumga tayyorgarliklarini tekshirish, aniqlangan kamchiliklarni birgalikda hal etish, qonunbuzilish holatlariga qat'iy choralar ko'rish.

Bajaradi : Shahrisabz ixtisoslashtirilgan davlat o'rmon xo'jaligi, Tuman IIB YOXB

Muddati : Mavsum davomida

7.Yong'in xavfsizligi qoidalarini buzuvchilarni tezkorlik bilan aniqlash, ularni ustidan zudlik bilan tegishli hujjatlarni tuzib, keltirilgan zararni undirib olish choralarini ko'rish, yong'inga qarshi kurash maqsadida tezkorlik bilan harakat qiluvchi gurux tuzish uni xarakat yo'nalishini belgilash va shu mavzuda joylarda seminarlar tashkil qilish.

Bajaradi : Shahrisabz ixtisoslashtirilgan davlat o'rmon xo'jaligi, Tuman IIB YOXB

Muddati : Mavsum davomida

Tuman hokimining 2022 yil

“ ” _____dagi - _____ / ____-sonli

qaroriga 2-ilova

2022-yilda Shaxrisabz ixtisoslashtirilgan davlat o'rmon xo'jaligining Tanxazdaryo, Oqdaryo, Qorasuv o'rmon bo'limlarida favqulodda holatlarda yong'inni o'chirish

R E J A S I

T/r	Shaxrisabz tumani	Joylashgan aholi		Yong'inga qarshi o'chirish asboblari				O'rmon bo'limlarining nomi	Texnika-lar soni	Shundan suv tashish mashinasi
		Jami	Shundan yong'in o'chirishga qatnashadi	Bolta	Arra	Belkurak	Chelak			
1	2	3	4	5	6	7	8	9	10	11
1	Tudamaydon MFY			15	15	20	25	Tanxozdaryo bulimi	1	
2	Achchig'i MFY			10	11	15	20	Tanxozdaryo bulimi	1	
3	Toshbuloq MFY			15	12	15	20	Tanxozdaryo bulimi	2	1
4	Xitoy MFY			60	25	40	50	Tanxozdaryo bulimi	1	1
5	Hisor MFY			30	20	50	60	Tanxozdaryo bulimi	2	1
6	Miroqi MFY			5	5	10	20	Oqdaryo bulimi	1	
7	Sayyod MFY			5	5	10	20	Oqdaryo bulimi		
8	Sarchashma MFY			10	15	15	25	Oqdaryo bulimi	1	
9	Hisorak MFY			15	15	20	30	Oqdaryo bulimi	2	1
10	G'ilon MFY			15	15	20	25	Oqdaryo bulimi	1	
11	Kul MFY			10	10	15	20	Oqdaryo bulimi	1	
12	Qorasuv MFY			2	1	4	10	Qorasuv kuchatilik o'rmon bulimi	1	